

EW NAMOPUNG

A awora ukukun \$16,000 seni ewe Monienapen ewe Legislature-un Chuuk ren fan asengesin monien municipal projects non Namunsofo, me pwan ren ekkoch popun.

Epwe Pung Me Ren Ewe Legislature-un Chuuk.

Tetten 1. Iei a kawor ukukun \$16,000, ika fite ukukun mei namot ren an epwe tongeni naaf seni ewe Monienapen ewe Legislature-un Chuuk ren fan asengesin monien ekkewe projects non Namunsofo, epwe iei usun nounoun:

- a) Fanapanges \$4,500
ren mon pisekin atake
- b) Udot \$6,000
ren forutan ew imwen kapung
- c) Udot \$1,500
ren forun ew piris won Tannuk
- d) Eot \$4,000
ren sotosopun monien oror

Tetten 2. a) Ei ukukun moni mei kawor non Tetten 1 epwe einet ika nongeni ewe Director-un Putaen Public Affairs, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fite meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefan ngeni ewe Monienapen ewe Legislature-un Chuuk.


b) Ewe Director-un Public Affairs epwe atou ewe moni ika a tori taropwen nounoun me popun nounoun ewe moni me ren ewe samon, ika ioon mei finita an epwe wisen awora.


Tetten 3. Ewe Director epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:


- 1) unusen porausen nounoun me ewe moni, fongon me ukukun nussun mei chiwen wor non April 1, 1982; pwan
- 2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ukukun nussun ewe Fiscal Year, nge och sotosopun repot epwe pwan kawor nefinen 20 ran me murin soponon ewe Fiscal Year ngeni ewe Legislature ika ew committee mei


finita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochokunan non October 1, 1981, ika
a kapunguno me ren ewe Kepina, ika pusin winiti annuk nge esemwo kapunguno.

Sain: 
Tadashi C. Wainit, Speaker
Truk State Legislature

Annetata: 
Datasi Albert
Legislative Chief Clerk/Secretary
Truk State Legislature

Pwinin maram: 

Kapunguno Seni: 
Ehart Aten, Governor
Truk State Government

Pwinin maram: 